

為十過反叛師長為五十過違師教公為三十過專長父母同此論

良朋勝友不交設為一過

窮民不濟為一過復加凌辱一人為三過

偷盜人財物或教人偷盜百錢為一過貫錢

為十過若見偷盜不動為一過讚助偷盜為

五過米麥幣帛衣服並論錢數定過

不義而取人財物百錢為一過貫錢為十過

欠人財物抵諱不還百錢為一過貫錢為十

過因而謀害其過加陪

不軌門六條

傳教法隱真出偽欺罔弟子一事為五過如

受法信百錢為一過得人不得為一過傳非

其人為十過

注撰煙粉傳記詩詞歌行一篇為二過傳與

一人為二過簡編一篇為一過傳與一人為

一過自己記念一篇為一過

食肉故殺性命食之為六過買肉食之為三

過違禁肉故食為六過誤食為三過過齋日

食之為十過食後入壇念善為十過

飲酒為詳議惡事與人飲一升為六過無故

與不良人飲一升為二過無故與常人飲一

升為一過助婢權飲一升為十過為和合事

理與友人飲祭酒待賓服藥皆不坐過齋日

飲致醉或酒後入壇念善為五過

五辛無故食之一食為一過食後持念經一

大卷為十過一小經為五過一聖號為一過

齋日食之為五過

受觸極親為五十過近親為三十過遠親為

二十過良家為十五過受觸之後入壇念道

朝真禮聖及齋日犯觸隨儀每一過為五過

太極仙君功過格終

太清五十八願文

若見居家妻子當願一切早出愛欲攝意奉

戒若見飲酒當願一切制於命門以遠禍亂

若見姝女當願一切守情忍色志慕在賢若

見婢人當願一切除棄邪念翹心禁戒若見

婦人當願一切忍割浮華樂道自然若見真

人當願一切履信正化日入法門若見眾人

當願一切推仁無爭懷道安世若見善人當

願一切時尅存念仰軌其道若見惡人當願

一切棄凶即吉不犯王法若見貧人當願一

切損身施惠後受大福若見富人當願一切

救濟萬物世世受祿若見貴人當願一切承

其教旨悉合典訓若見賤人當願一切勤修

匪懈各得所為若見

帝王當願一切奉仰王道孝如父母若見主

相當願一切受其教制四方歸仁若見兵甲

當願一切各念仁心天下讓賢若見王子當

願一切日歌太平系國承家若見賢人當願

一切履行其德道為世宗若見道士賢士當

願一切明解法度得道登真若見山棲道士

當願一切悉見道門速得飛仙若見教化當願一切親受聖教皆為淵博名曰

聖人若見聖人當願一切尊禮侍見諸國並瞻若見仙人當願一切真道悉成飛身天堂若見城郭當願一切嚴整修飾以道為基若

見大國當願一切歸崇慕德若水歸海若見小國當願一切知止沖虛安其所居若見市

朝當願一切羣賢蜂萃悉弘正道若見靜觀當願一切功德巍巍天人得志若見齋戒行

香當願一切道德日新庠序容止若見誦經當願一切盡上高座咸聞經旨若見經教當

願一切各各受讀禮習經教若見樓觀當願一切洞觀十方無所隱藏若見高山當願一

切立德如彼無復退轉若見大海當願一切智慧無量輔成家國若見茂材當願一切學

成儒宗訓徒數教若見淨手當願一切常執經書無時輟轍若見善口當願一切馳誦洞

經日新不厭若見勤足當願一切超出三界飛行上清若見靜山當願一切滅景得真安

閑空寂若見飲食當願一切棄累入靜存得

道味若見火藏當願一切除其火害施為福田若見疾病當願一切以道自安免此苦厄若見死喪當願一切學道常存濟度三塗若

見漁獵當願一切不為罪垢終入無為若見夷狄當願一切賓王中國不生邊地若見少年當願一切及時學問遂成威令若見老病

當願一切以道攝生不更衰老若見三元當願一切普明靈曜冥闇俱消若見雷雨當願

一切惠澤盈溢無所不生若見素雲當願一切常居潔白道遠自在若見靈風當願一切

益懷披散德流遐邇若見淨水當願一切洗垢清虛平等其心若見名香當願一切安姿

芳感衆穢蕭然若見好華當願一切樂散諸聖相好具足若見車馬當願一切得道無為

乘鳳駕龍若見弦歌當願一切玩經散說以道娛樂若見福食當願一切無不飽滿世享

天府德流主人如水歸海宗廟流長常居貴戚世與四華俱生王家若見散施當願一切

禍滅九陰福起十方德如北海莫不興隆七祖生天子孫賢忠富貴魏魏所欣皆從學道

飛仙駕雲乘龍道士坐卧常願我茅四大合德同體道真長存玄都師友自然濟度十方天下受恩遺逸有無洞觀妙門

十善勸  
戒曰勸助禮敬三寶供養法師三寶若謂道師也能養

生教化為人無能定法師也今人世世為君子賢孝高才榮貴巍巍生為人尊阿族昌熾

戒曰勸助治寫經書今人世世聰明博聞妙蹟

戒曰勸助建齋堂靖院今人世世門戶高貴身登天堂衣食自然常居無為

戒曰勸助香油供養今人世世芳威香潔光明容眸絕偉天姿高秀

戒曰勸助法師法服今人世世長延道遠中國不墮邊夷男女端正冠帶玉珮

戒曰勸助王父母子民忠孝今人世世多嗣男女賢儒不更諸苦

戒曰勸助齋請讀經今人世世不墮地獄即昇天堂禮見衆聖速得反形化生王家在

意所欲玩服備足七祖同歡善緣悉會始終榮

樂法輪運至將得仙道

戒曰勸助眾人經學今人世世才智洞達動

靜成儀常為人師

戒曰勸助一切布施諫諍今人世世壽考富

樂常無怨惱

戒曰勸助一切凡人除嫉去欲履行眾戒今

人世世安樂禍亂不生病者自念仕宦高遠

為眾所仰莫不吉祐門戶清貴天人愛育神

魔敬護常生福地是名太上智慧勸進要戒

品皆大智慧經上卷所言也法傳太極真人

以治道行矣兆有宿福值見此文祕而未馬

妄示不信禍交見世死為下鬼閉於地獄旋

輪五苦後生夫人道毀經戒者亦然太極真

人曰為行之惡莫大於嫉殺貪奢驕淫也若

此一在心必伐爾年命矣挾之以學神仙者

不亦悲乎

道士持齋燒香清淨禮天下之威也而不

欲見見如不見矣

大極真人曰世人感也遠其仙人並執事鬼

神及教生以求生去生不亦遠生時不修善

治身忍割可欲死方辱其骸骨不知魂魄

已身五毒幽囚地獄苦惱三塗輪轉五道也

生世無幾而聚斂財寶無有足時為己重積

福盡罪至身死名滅財寶四散也若疾風之

扇塵矣

真人曰夫學道為人先孝於所親忠於所君

閔於所使言於所交信而可復諫惡揚善無

彼無此吾我之私不違外教能事人道也次

絕酒聲色嫉妬殺害奢食驕息也次斷五辛

肥生滋味之舖也次令想念幽冥心晴清虛

次服食休糧奉持大戒堅質勤志導引胎息

吐納和液修建功德

真人曰忍人不能忍割人不能割行人不能

行居人不能居衣人不能衣食人不能食守

人不能守學人不能學乃鍊以靈藥養於靈

茅尸蟲沉落穢漏消滅六宮滌蕩五藏安閑

矣將長齋久思靜詠洞經就味泉妙兼以丹

液心能如是者豈有不得昇仙之道乎

真人曰若不修人道君親不斷耽酒好色殺

伐貪狠奢驕自恣欺誘賢良借貸不還他不

少已有如此之行矣長不能革使心矣然而

欲懷之以齊戒學道希肉飛之舉弗亦哀乎

弗亦哀乎斯人也將長處地獄履於五毒刀

山劍樹湯火炎燒衰漬五體求死不得饑則

食鐵湯則飲火出臨寒水傷肌切骨方付三

官謫作山海擔負土石鞭笞考對備經三塗

五道往返十苦八難之中其苦無量不可具

言也

真人曰是人也乃不知外覺凡賢奉修人道

敬信道經唯善而從矣任化來往在時遷易

道遙城內清靜自適命過亦入福堂不經囚

塗或為鬼神也後生人道不失本願轉得信

根賢聖結緣穢累日盡終入仙道也

太清五十八願文